



Republika e Kosovës
Republika Kosova – Republic of Kosovo

ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY

PSH. nr. 54/17

Në bazë të nenit 105 pika 1 dhe 2 si dhe nenit 106 të Ligjit për Prokurim Publik të Kosovës nr. 04/L-042, i plotësuar dhe ndryshuar me Ligjin 04/L-237, i plotësuar dhe ndryshuar me Ligjin 05/ L-068, i plotësuar dhe ndryshuar me Ligjin 05/ L-092, si dhe duke pasur parasysh nenin 108/A dhe 109 të LPP-së, duke vendosur sipas ankesës së parashtruar nga OE “Merkatori” SH.A - Gjilan, lidhur me aktivitetin e prokurimit: “Shërbimet e transportit me Autobus”, me nr. të prokurimit: “101/16/037/221”, të shpallur nga autoriteti kontraktues-Kuvendi i Kosovës, Kryetari i OSHP-së z. Blerim Dina, më datën 27 shkurt 2017, mori këtë:

V E N D I M

- I. **Hedhet**, poshtë si pa afatshme ankesa e OE “Merkator SH.A” - Gjilan, me nr. të prot. 54/17, e datës 23 shkurt 2017, lidhur me aktivitetin e prokurimit: “Shërbimet e transportit me Autobus”, me nr. të prokurimit: “101/16/037/221”, të iniciuar nga autoriteti kontraktues – “Kuvendi i Kosovës”, pasi që është parashtruar jashtë afatit ligjor tek autoriteti kontraktues.
- II. **I Mbetet**, autoritetit kontraktues /Kuvendi i Kosovës/, që të respektojë dispozitat e LPP-së, në lidhje me procedurat e prokurimit “Shërbimet e transportit me Autobus”, me nr. të prokurimit: “101/16/037/221”.
- III. Operatorit ekonomik ankues i kthehet tarifa e sigurimit të ankesës, në vlerën e deponuar me rastin e parashtrimit të ankesës, pasi që ankesa nuk shqyrtuar.
- IV. **Obligohet**, OE ankues që konform nenit 36 pika 5 e Rregullores të Punës së OSHP-së, në afat prej gjashtëdhjetë (60) ditësh të bëjë kërkesë për kthim të sigurimit të ankesës, në të kundërtën iu bëhet konfiskimi i depozitës, dhe këto mjete kalojnë në Buxhetin e Republikës së Kosovës.

Ar sy e t i m

Njoftimi për kontratë është bërë me dt: 14.07.2016, ndërsa hapja e ofertave është bërë me dt:04.08.2016, ndërsa në këtë aktivitet të prokurimit kanë marr pjesë katër operatorë ekonomik.

Njoftim i OE ankues për tenderues të eliminuar është bërë me dt:21.09.2016.

Njoftimi për dhënie të kontratës është bërë me dt:22.09.2016, ku është rekomanduar për kontratë “Beni Reisen”-Podujevë.

Kërkesa për qasje në dokumente nga OE “Merkatori”- Gjilan është bërë me dt:23.09.2016, ndërsa qasja i është lejuar me dt:26.09.2016

Kërkesa për rishqyrtim nga ana e operatorit ekonomik “Merkator SH.A” - Gjilan është bërë me dt:**20.02.2017**.

Vendimi për refuzim të kërkesës për rishqyrtim është marr me dt:20.02.2017

Pas verifikimit dhe analizimit të të gjitha shkresave të lëndës, Organi Shqyrtues i Prokurimit konstaton se ankesa e Operatorit Ekonomik ankues “Merkatori” SH.A-Gjilan, është parashtruar jashtë afatit ligjor tek autoriteti kontraktues për faktin se AK ka bërë njoftim për dhënie të kontratës me datën **02 shtator 2016**, njoftimi i OE ankues për tenderues të eliminuar është bërë me **21 shtator.2016**, kurse OE ankues kërkesën për rishqyrtim e ka parashtruar me datën **20 shkurt 2017**, duke tejkaluar të gjitha afatet për parashtrim të kërkesës për rishqyrtim tek autoriteti kontraktues.

Sipas nenit 108/A të LPP-së në fuqi dhe sipas nenit 4. 2 të Formularit F03 të *Rregullat për paraqitje te kërkesës për rishqyrtim pranë Autoriteteve Kontraktuese, parashtrim te ankesave pranë OSHP dhe vlera e tarifave te ankesave*, Kërkesa për rishqyrtim duhet të paraqitet me shkrim dhe duhet të dorëzohet tek autoritetit përkatës kontraktues, me postë ose me çdo mjet tjetër të komunikimit të lejuar me këtë ligj, brenda afateve si në vijim, pika **b)** “kurdo që kërkesa për rishqyrtim ka të bëjë me vendimin për dhënie të një kontrate ose të një konkursi te projektimit brenda afatit prej pesë (5) ditëve pas datës së njoftimit për dhënien e kontratës ose njoftimit mbi rezultatet e konkursit të projektimit që i është dërguar ankuesit”.

Andaj, Kryetari i OSHP-së, duke u bazuar në faktet dhe provat e prezantuara ka konstatuar se kërkesa për rishqyrtim e dorëzuar nga OE ankues tek autoriteti kontraktues është jashtë afatit ligjor, fakt të cilin e ka pranuar edhe vetë operatori ekonomik ankues “ Merkatori” në kërkesën për rishqyrtim të dt:20.02.2017 drejtuar autoritetit kontraktues.

Paneli shqyrtues konform nenit 117 të LPP-së vendosi si në diapozitiv të këtij vendimi.

Këshillë Juridike :

Kundër këtij konkluzioni pala e pakënaqur nuk mund të ushtron ankesë, por për kompensim dëmi në afat prej 30 ditësh, pas pranimit të këtij vendimi, mund të ngritë kërkesë-padi në Gjykatën Themelore- Departamenti për Çështje Administrative.



Vendimi i dorëzohet:

1. 1x1 AK- “Kuvendi i Kosovës”
2. 1x1 OE- 1x1 “Merkatori” SH.A - Gjilan
3. Arhivës së OSHP-së